

# ОПЛАДНИЦКА ПРУГА



БРОЈ 6

ŠAMAC-SARAJEVO

## TITO:


... Sve ovo što mi danas stvaramo, auto-puteve, pruge, fabrike i drugo, sve je to jedna velika borba u kojoj omladina opet može mnogo da učini. Ne treba, dakle, tražiti neke naročite torme za vaspitavanje naše omladine. Forma graditelja je najbolja forma. Treba cijeniti rad...

## Dobrovoljci, dobrovoljci!

Kada kiša ne dozvoljava svima izlazak na radilište, nužne poslove obavljaju oni koji ne žele da miruju



(Iz naselja u Zavidovićima)



## Pogled unazad

# Srce jače od mišica

Pod ovim našim podnebljem najljepši snovi uveliko se pretvaraju u stvarnost. Svaka generacija je i sanjala i — gradila

U zanosu zbog izvojevanje slobode i u želji da se voljenoj zemlji obuče što ljepše ruho, 62.268 omladinaca i omladinki iz svih krajeva Jugoslavije krenuli su, prije 32 godine, put Brčkog na prvi veliki zajednički zadatak obnove i izgradnje. Pruga Brčko—Banovići njihovo je veliko djelo, svojevrsna priča o ljubavi prema domovini, ispisana najljepšim poglavljima mladosti, što su izraz oduševljenja i odanosti revoluciji i njenom prvom neimaru — Titu. A tu, na svakoj tračnici devedesetak kilometara pruge, motiv je za posebnu priču. Kao onaj o Muhamedu Hrnjici iz Orašca kod Bihaća, o tom udarniku nad udarnicima, koji je tokom izgradnje tunela »Majeвица« umjesto jednim stijenje bušio s dva »pištolja«, istovremeno. Ili, o jednoj Milki sa Korduna, koja se, zajedno sa 13.000 žena učesnica, izuzetno hrabro držala, a hroničari su napisali da je za sat gurala više od stotinu kolica relacijom dugom 150 metara.

Primjeri te vrste zabilježeni su u svakoj brigadi, u svakoj četi, jer je srce uvijek bilo jače od mišica. Time se jedino može i objasniti kako je jedan tako složen zadatak za današnje prilike oskudnim tehničkim sredstvima završen dvadesetak dana prije obećanog roka. Okončali su brigadiri

posao i razišli se po drugim gradilištima, na nove dužnosti i obaveze. Ostalo je djelo u svoj svojoj veličini što se sada tako lijepo vidi u svim mjestima kraj pruge. Od brčanske neugledne palanke, bez industrije i iole savremenijeg načina privređivanja, izrastao je moderan grad u kome je danas dvostruko više zaposlenih nego što je 1946. bilo stanovnika.

Banovića tada nije ni bilo. Pričaju da su tim prostorom prije 32 godine vršljali vukovi. A sada? Ne, nije lako povjerovati u tu priču nastalu među višespratnicama. Nije, onda, bilo ni Špionice, Srebrenika, Dubokog Potoka... Srebrenik je već poodavno grad, a 1946. tu je bila samo jedna kuća.

Očigledne su, svakodnevno, takve promjene u svim mjestima širom naše domovine. Omladina je u tome dala izuzetan doprinos, ali se u akcijama nisu gradili samo objekti, već i bratstvo i jedinstvo, zajedništvo i druge tekovine revolucije.

Pod ovim našim podnebljem najljepši snovi uveliko se pretvaraju u stvarnost. Svaka generacija je i sanjala i — gradila.

O. NIKOLIĆ



Vijesti iz Omladinskog naselja žepče

## Prva pomoć

ŽEPČE, 5. APRILA — U Omladinskom naselju u Žepču danas je počeo s radom kurs iz prve pomoći. Iz deset brigada koje rade u ovom naselju 180 brigadiru se prijavilo da pohađa pomenuti kurs.

### DESET TEMA

Danas je počela rad i Omladinska politička škola. Predviđeno je da do kraja prve smjene njeni polaznici obrade deset tema. Školu pohađa 153 brigadiru i brigadirki.

### POLAZNICI

Više od 180 polaznika prisustvovalo je prvom času foto-kursa. Brigadiri koji su se opredijelili za ovaj kurs za mjesec dana slušaće ukupno 20 sati. Foto-kurs vodi Zoran Kamilić.

### SUSRET ŠAHISTA

U naselju je održan prijateljski šahovski susret ekipa ORB »Hasan Zahirović — Laca« iz Mostara i ORB »Ozrenski partizanski odred« iz Lukavca. Igralo se na osam tabli. Pobjedili su (12,5:4,5) brigadiri-šahisti iz Lukavca.

### KULTURA

Na konstituirajućem sastanku Komisije za kulturno-zabavni život usvojen je program kulturnih manifestacija koje će se do kraja mjeseca održati u naselju Žepče. Planirano je da se organizuje više brigadirskih večeri. Ovdje će gosti biti poznati umjetnici i kulturno-umjetnička društva iz gradova širom zemlje. Za predsjednika Komisije izabran je Fahrudin Salkić brigadir ORB »Ozrenski partizanski odred«.

## Stalna veza

ŽEPČE, 5. APRILA — Sest brigada prve smjene iz Omladinskog naselja Žepče jutros je izašlo na trasu. Izvještaji sa dionica — komanda Štaba je u stalnoj radio-vezi sa svim punktovima gdje brigadiri rade — potvrđuju da se radovi odvijaju prema utvrđenom planu, uprkos kiši koja povremeno pada. Radio-veze između štaba i dionica gdje rade brigade ostvarena je uz svesrdnu pomoć društveno-političkih organizacija opštine Žepče.

U trenutku dok ovo javljamo kiša je počela jače da pada. Brigadiri koji će raditi u poslijepodnevnoj smjeni krenuli su na ručak sa pjesmom: »Druže Tito samo piši, radićemo i po kiši«. Izvještaj o radu brigadiru koje su na trasi bile poslije podne potvrđuju da zastoja u radu nema.

### PRIMJERI

## Svi odlučuju

ŽEPČE, 5. APRILA — Omladinska radna brigada »Ljubijanski rudari« juče je radila drugu smjenu na trasi. Prije podne brigadiri su proveli u naselju. Uređivali su travnjake oko paviljona, ispisivali najnovije vijesti na stranicama zidnih novina, a neki su pohađali prve časove omladinske političke škole, foto-kursa ili kursa prve pomoći. Brigadiri prve čete uređivali su cvijetnjak ispred paviljona. Njihov komandir Slavko Adamović bio je vidno uznemiren. Nervozno i, nekako, odsutno koračao je tamo-amo. Neočekivano, sazvao je zbor čete. Svi su pomislili da se dogodilo nešto nepredviđeno. Ubrzo sve je bilo razjašnjeno. Komandir Slavko obratio se brigadirima ovim riječima:

— Drugovi, ja bih išao u grad. Puštate li me... Nastalo je komešanje, razgovor. Brigadiri su odlučili da ga puste.

— Nema tu ničeg neobičnog — objašnjavaju oni. — Mi pitamo njega kada nam šta ustreba, a komandir — nas.

— Ovdje se sve samoupravno rješava i odlučuje — dodaje brigadirka Biljana Petoš.

## Solidarnost

Brigadiri Omladinske radne brigade »Igmanški marš« sa Ilidže prvog radnog dana radili su na dijelu trase kod sela Orahovac. Na povratku u naselje dogodila im se mala neugodnost — na voz su čekali čitavih 150 minuta. Međutim, izgleda da ni takve nepredviđene situacije ne mogu zbuniti ni iznenaditi članove brigade koja postoji već deset godina. Čekajući voz koji će ih vratiti sa trase u naselje, pomagali su brigadi koja ih je smijenila na istoj dionici u poslijepodnevnoj smjeni. Gest ovih brigadiru je kako se to kaže, školski primjer drugarstva.



### SVEČANOST U LAKTAŠIMA

## Priznanje brigadi

LAKTAŠI, 5. APRILA — U Laktašima je održana prigodna svečanost kojoj su, pored više stotina omladinki i omladinaca, svrstanih u dvadeset omladinskih radnih brigada, prisustvovali predstavnici društveno-političkog i privrednog života opštine. Na svečanosti je Nenad Baštinac, sekretar Opštinskog komiteta Saveza komunista, uručio opštinskoj organizaciji Saveza socijalističke omladine plaketu »Veljko Vlahović« za rezultate koje je ORB »23. april« iz Laktaša postigla na Saveznoj akciji »Palić 77«. Mladi Laktaša su isto priznanje dobili i na Omladinskoj radnoj akciji »Kozjansko 76«.

Ovo je, istovremeno, bila prilika da se mladi dogovore o novim akcijama i pripremama za odlazak na ovogodišnju radnu akciju »Samac — Sarajevo 78«.

M. M.

sova brigadiri će pro-

## Seminar

U Doboju je počeo seminar o Omladinskoj pruzi iz 1947. godine. U radu seminaru uključeno je oko 80 brigadiru — iz svih brigada po 10. Na seminaru koji će biti organizovan i u svim ostalim smjenama tokom ORA Šamac — Sarajevo, izučavaće se istorijat ove pruge i sve ono što je vezano za nju.

Polaznici seminaru će biti podijeljeni u grupe kako bi mogli svi izučavati foto-dokumentaciju koja je sačuvana o pruzi, čitati novinske izvještaje o njenoj gradnji i članke koji su zapisani u knjigama i publikacijama. Organizovaće se i razgovor sa veteranima — prvim graditeljima pruge iz 1947. godine.

## Poklon

Predsjednik Skupštine opštine Kazim Omičević, sekretar Opštinskog komiteta SK Rudolf Jurić, predsjednik Opštinske konferencije SSRN Hazo Hrnjatović i predsjednik Opštinske konferencije SSO Doboju posjetili su juče brigadno naselje i tom prilikom razgovarali sa članovima njegovog štaba. Oni su, u ime svih društveno-političkih organizacija i SO Doboju brigadirima ovog naselja uručili poklon — televizor u boji.

### Jedan dan sa brigadom »Bratstvo - jedinstvo«

## Pada, pa šta...

Voz brigadirski uvijek okičen ♦ Trasa se ne može prepoznati  
♦ Povratak s pjesmom

DOBOJ, 5. aprila — Noć je nestala. Ostali su magla, gusta i vlažna i brigadiri. Doručak je završen. Brzo. Za svega osam minuta doručkovali su svi brigadiri iz ORB »Bratstvo jedinstvo« iz Zenice.

Dok su drugi na doručku čuje se njihovo »Hej Sloveni...« To je pozdrav zastavi, a na jabol je diže najbolji brigadir jučerašnjeg dana ove brigade. Kedžo Haskić se on zove i višestruki je udarnik na mnogobrojnim radnim akcijama širom zemlje.

U brigadnom naselju III brigadiri ostalih radnih brigada spremaju se za polazak na trasu. Dižu zastave, polaze u stroju. Dva po dva. Tako idu brigadiri, s pjesmom i po zdravom družu Titu, pruzi, samoupravljanju...

U 6 sati smo na željezničkoj stanici u Doboju. Okičen je ovaj brigadirski voz. Gotovo svi se ukrcavaju. I još jedan brigadirski pozdrav za sre-

tan put, za dobar rad, za udarništvo...

Nekoliko stotina metara dalje od željezničke stanice radi brigada »Bratstvo-jedinstvo«. Oni su tu još prije dva dana istoravili oko 300 željezničkih vagona šljunka. Sada ih je 89. Ruke su prihvatile lopatu. Nikola Rastaušek ne diže pogleda. U njegovim rukama lopata je laka k'o pero. Nekoliko metara od nje ga je i brigadni sanitelj Živka Đurić. Ona je u protekla dva dana imala dosta posla. Pucali su prvi, brigadirski žuljevi. Mladi, od mladosti.

I komandant ove brigade Pero Tolo nikako ne stoji. Trči, govori kako i šta treba raditi, razgovara s ljudima iz nadzornih organa, konsultuje se s traserom. Edin Džilić, radnik, pun je snage i želje da se što prije završi.

Za vrijeme marendne razliježe se pjesma. Dolina rijeke Bosne maglovita je. Kišica neka dosad-

## Besplatan kurs za vozače

U dobojskom naselju počeo je kurs za vozače »B« kategorije. Pohađa ga 80 brigadiru. Kurs će kako nam je rekao Šaćir Medić, sekretar Udruženja vozača i automehaničara u Doboju — trajati do kraja ovog mjeseca.

Pero Jovičić je predsjednik ovog Udruženja. On kaže:

— Program predviđa da se odsluša 20 časova nastave i, isto toliko, časova brigadiri će provesti na praktičnoj obuci. Biće uključeni i u rad kursa prve pomoći, a prije polaganja obavezno će na ljekarski pregled.

Ovaj kurs je besplatan, ne plaća se ni polaganje prvog ispita. Udruženje iz Doboja ima najmodernija sredstva za obuku vozača »B« kategorije u našoj zemlji.

na pomalo prestane, pa opet počne da pada. No, to ne smeta brigadirima. ORA je ovo prava, progovara Edin Maličbegović, a pretaće valda i da pada. Onda je i lakše raditi.

Cijelo prijepodne niko nije htio da napusti trasu. Kiša pa šta, veli on. Nije mnogo velika, da se radi, a prugu treba na vrijeme završiti.

Podne je prošlo. Brigade se smjenjuju. Jedne odlaze, druge dolaze. Trasa na kojoj je bila pret hodna brigada teško se može prepoznati. Mnogo se uradilo. A povratak je opet s pjesmom, ponosom, i udarničkom. I ne koliko novih mladih žuljeva.

Priloge su nam poslali: Azra Nuhefendić (Žepče), Nebojša Tošić (Nemila), Muhamed Džemidžić (Zavidovići) i Rajko Živković (Doboj)



JAVLJENO IZ ZAVIDOVIĆA

# Novi metri

Prije podne se radilo bez predaha, poslije podne padavine su spriječile izlazak na trasu

ZAVIDOVIĆI, 5. APRILA — Osvanulo je još jedno tmurno jutro, ali ne pada. Brigadirski voz kreće na trasu, u nove radne pobjede. Zadovoljstvo među mladim. U prvoj smjeni je pet brigada, — ORB »Husinjski rudar« radi na istovaru pragova za željezničke šine, ORB »Boro i Ramiz« u blizini dobojske »Natronke« — iskopavaju se novi metri kanala za kablove, ORB »Prva dalmatinska udarna proleterska brigada«, ORB »20. oktobar« i ORB »Prvi kongres USAOJ-a« rasčišćavaju trasu.

U osam počinje da kiši. Uniforme su ubrzo natopljene, ali niko ne ide nazad u naselje. Radi se bez predaha. Treba nadmašiti odlične rezultate postignute prvog dana. Za umor se ne zna. Vagoni se prazne, kanal je sve duži, a trasa sve uočljivija.

Ali poslije podne kiša je lila kao iz kabla, brigade nisu otišle na trasu. Uređivale su naselje.

## Prva slova

Husein Hadžić iz ORB »Prvi kongres USAOJ-a« rodom je Ličanin. Roditelja se gotovo i ne sjeća. Proživio je izuzetno teško djetinjstvo, a put ga je nedavno doveo u Bihać. Čuo je za akciju i odmah se prijavio. Drugo vi su ga prihvatili. Iako mu je već petnaesta, Husein još uvijek ne zna da čita i piše.

Bio je to povod Milanu Zecu da pokuša drugara iz brigade naučiti prvim slovima. I počeli su časovi. U predahu, poslije napornog rada. U žuljevitim rukama olovka je postajala sve vještija.

Husein je brzo »kapi-  
rao«, vježbao je uporno i strpljivo, a jutros pred pavilijonom osvanuo je pano sa zionim novinama. Napravio ih je mladić koji koliko juče nije znao ni slova. Skromno, ali za početak više nego dobro.

Na golemom bijelom papiru crtež naselja Zavidovići, a u dnu iskrivljenim slovima potpis: HUSEIN HADŽIĆ — brigadir.

Bišćani nam rekoše da će se po povratku sa akcije pobrinuti da se Husein upiše u večernju školu, da stekne kruh. Zaslužio je, kažu, pokazao se kao pravi drug i vrijedan brigadir.

## Rekord

Omladinska radna brigada »Prvi kongres USAOJ-a« iz Bihaća prvog dana na trasi zabilježila je impozantan učinak — 278.365 odsto uz efektivanost od 100 odsto. Rekord na nivou ORA »Šamac — Sarajevo 78«.

— Brigada je iznad svega poštivala preventivne mjere zaštite na radu, a u izvještaju referenta za zdravstvenu zaštitu na ša komisija je dobila podatak da od 100 brigadiru nema niti jedne teže ili lakše povrede. Osjetio se tek mali zamor, a radićemo u tom pravcu da svakodnevno dajemo maksimum ne gledajući na bodovanje. I danas su sigurno postignuti dobri rezultati, iako nam vrijeme nije baš naklonjeno, rekla nam je brigadirka Elida Čaušević.

## Telegram

Opštinskoj konferenciji SSO Bihać

— Nemoguće! Mi ćemo moći! Samac, prugo, ti moraš proći! Naprijed za Titom! Složno Zavidovići!

Ponosni smo na ovaj naš zavjet i želimo uspješan rad izbornoj konferenciji. Poklanjamo vam naš prvi radni učinak — 287 odsto.

## Pisma

Prima Rustem Safija, ORB »Šerif Lojo«.

»Draga djeco, evo da vam odgovorim na vašu razglednicu. Reci Refiku neka što završi. Budite dobri, izvršavajte sve zadatke i pišite češće«.

Refik se već upisao na kurs za vozača »B« kategorije.

## Sport

U prvom kolu lige naselja u malom fudbalu igrane su dvije utakmice. Strijelci nisu bili baš raspoloženi, ali je uzbuđenja bilo napretek. ORB »Šerif Lojo« savladala je ekipu ORB »Husinjski rudar« Tuzla sa 2:1, a ORB »20. oktobar« izabrao ni tim brigade »Boro i Ramiz« sa 1:0. Igrano je

i prvo kolo lige odbojkaša. Rezultat: ORB »Đuro Đaković« — ORB »Husinjski rudar« 2:0 i »20. oktobar« — »Prva dalmatinska udarna proleterska brigada« 2:1.

## Posjeta

U toku poslijepodneva naselje su posjetili Brano Miljuš, predsjednik SSO BiH i član Sekretarijata Republičke konferencije Enes Gotovuša. Gosti su se u štabu interesovali za tok radova na trasi i brigadirski život u naselju.

Sinoćnoj brigadirskoj večeri koju su vrlo uspješno organizovali omladinci ORB »Husinjski rudar« i ORB »Prva dalmatinska udarna proleterska brigada«, prisustvovali su i komandant akcije ORA »Šamac — Sarajevo 78« Filip Vuković, te Ilija Rozić, zamjenik komandanta akcije za društvenu aktivnost.

## Prebačaj

Dvije brigade naselja Zavidovići koje su i pored jučerašnjeg kišnog dana izašle na trasu radile su udarnički. Upisano je oko 850 norma sat. što je otprilike 150 odsto od planiranog.

IZ ČELINCA

## Neumorni akcijaši

ČELINAC — U svim omladinskim organizacijama ove opštine u toku su pripreme za odlazak brigada na radnu akciju. Od prvog juna u gradnji drugog kolosijeka pruge od Doboja do Zenice učestvovala je brigada od stotinu mladića i djevojaka, a od 1. avgusta i druga — sa 50 članova. Osim toga, 15 omladinaca i omladinki iz Čelince biće u sastavu bratske brigade »Ivo Lola Ribar« (u njoj su mladi iz Majdanpeka, Sanskog Mosta, Trešnjevke, Jastrebarskog i Čelince) na ORA »Sava 78«. Prije nego što krene na akciju ova brigada će graditi spomen-obilježje na Korčanicima, na Grmeču.

Sv. M.



STIŽU VIJESTI IZ NEMILE

# Rade i po kiši

Nakon jednodnevne pauze mladići i djevojke ponovo na trasi

NEMILA, 5. APRILA — Sa akcije iz Nemile brigadirka poručuje: Druže Tito samo piši, radićemo i po kiši... Ori pjesma, ponovo, nakon jednodnevne pauze. Kiša pada, ali to više nema veze. Nije važno što će tih »nekoliko« kapi da prekrije brigade. Važno je da se radi.

## Sarajlije barjak razvile

— Kad idemo sva se zemlja tresla. Od koraka sarajevskih momaka... Sarajlije razvile barjak. Kreću s ponosom. Milodarka Ivanović. Do nje — Slavko Joksimović. Amila i ovaj put vodi pjesmu... Pioniri iz »Mladog radnika« vrijedno stružu humus sa nasipa. To su temelji buduće pru-

ge. Skopljanici će s trase pravo na priredbu. Večeras oni riječ imaju. Sve jutro marljivo su vježbali. — Ednoj maloj mome...

## Običan dan

Dobrolije vrijedne po tradiciji. Osman Osmanović, zamahuje krampom kao da će za tili čas nestati naslaga šljunka i zemlje...

Brigadiri iz »Veselina Masleše«, rade u bližnj Vranduka. S čežnjom gledaju put tunela iz kojeg se čuje prasak mina. Da im je samo jedan dan, pola dana, da uđu i izbace kubik-dva zemlje...

Radni dan, reklo bi se, običan. Kiša pada — brigade rade.

# Tako će Adisa

Adisa Smilagić, učenica, najmlađi član SK u naselju. Ima 17 godina i brigadirka je u ORB »Mladi radnik« — Maglaj. Ovo je njena prva radna akcija. Kao odlična učenica primljena je u Savez komunista, a njeni drugovi iz Srednjoškolskog centra »25. maj« poslaše je da se dokazuje i na pruzi:

— Maglaj 16. aprila slavi rođendan, trideset i treći u slobodi. Sigurno je da će mnoge Maglajlije toga dana biti naši gosti, u Nemiljoj. Doći će i moji drugovi i drugarice iz škole, tada će meni i Biljani Tepurić, Zijadi Izmirlić, Esadu Mahmutagiću, Fahrudin Smahmutagiću i Sulji Husanoviću biti uručene partijske knjižice. To će biti naš najdraži dan...

## ZAŠTITA

U naselju je održan prvi sastanak Komisije za zdravstvenu zaštitu. Raspravljano je o programu koji će obuhvatiti potpunu zdravstvenu zaštitu brigadira. Posebno će se voditi računa o higijeni smještaja i o zaštiti brigadira na radilištima. Ovo smo saznali od Bege Mulahasanovića.

## VOLIM TE, VOLIM

Brigadir iz naselja Nemila dobio je razglednicu, a u njoj:

»Mićo,  
Volim te, volim, zašto bih krila,  
sa tvojih usana otrov bih pila

Jela.

DNEVNIK

# Vatromet

Počeli smo da uređujemo dvorišta u naselju. Tek je drugi dan kako se nalazim na Akciji, a toliko drugova i drugarica sam upoznala. Svi smo došli da radimo i gradimo bratstvo i jedinstvo. Impresionirana sam postupcima drugova i drugarica. Kao da smo tu cijeli život. Danas smo bili u Doboju, na svečanosti, povodom otvaranja Akcije. Bilo je divno. Predivno. Pjesma i vatromet. Pismo Titu. Veterani...

Velinka Tomić,  
ORB »Omer Malic«, naselje u Nemiljoj

# Dogodilo se

Jedan omladinac iz ORB »26. juli« srelan što je na radnoj akciji poslao je pismo kući. U uzbuđenju adresirao ga je na svoje naselje. Tako je postao prvi i (za sada) je dini dobitnik pisma — iz Nemile.



**ZAPISIVALI SMO**



Husein Šuškić

**Dani  
što se  
pamte**



Mladen Delić

U AVNOJ-skomb Jajcu pronašli smo dvojicu prekaljenih akcijaša od ukupno šest iz ovog kraja, koji su prije trideset godina učestvovali u izgradnji pruge Šamac — Sarajevo. To su Husein Šuškić, pomoćnik rukovodioca Robne kuće i Mladen Delić, direktor Doma kulture.

— Prvi put sam na radnoj akciji bio 1946. godine — u izgradnji pruge Brčko — Banovići — sjeća se Husein. — Već na redne, kao golobrado momče sa osamnaest godina, došao sam i u Bosanski Šamac. Iz Jajca nas je bilo šestorica. Javili smo se u Banjaluku, gdje je formirana bosanskohercegovačka fiskulturna brigada. U Bosanskom Šamcu brigadiri su razmješteni po kućama, a kasnije prebačeni u naselje brigade.

— Bio sam komandir čete — veli nam Mladen Delić. — Ustajali smo rano, trčali po krugu, uglavnom bosi, radili gimnastiku, a potom s pjesmom odlazili na trasu. Utovarali smo šljunak na Savi i posipali trasu. Između četa svakodnevno se odvijalo takmičenje. Uveče bi proglašavana najbolja, kao i pojedinac, koji bi ujutro i uveče podizao i spuštao zastavu. To je bila najveća čast za jednog brigadira.

Husein Šuškić je proveo šest mjeseci na akcijama. Jedno vrijeme bio je u Ševarlijama, u brćanskoj brigadi... Radio je u Drugoj jajačkoj brigadi. Tri puta je bio udaracnik.

— Radili smo i po kiši i po suncu. U Drugoj jajačkoj bilo je oko stotinu mladića i djevojaka iz Jajca i Šipova. Ponos u srcima našim što gradimo prugu za naše bolje sutra... Najljepši trenutak doživio sam u Sarajevu, na završnoj svečanosti, kojoj je prisustvovao i drug Tito. U defileu nosio sam zastavu svoje brigade...

Z. ŽUNA

**VETERANI DUGOG I ŠIROKOG POTKOZARJA**

**Prošlo i blisko  
vrijeme naše**

Višestrukim udarnicima Sibi Turković iz Kozarca i Ibrahimu Ležiću iz Prijedora ispunjena želja da i ove godine učestvuju na saveznim omladinskim radnim akcijama

Među mladim brigadirima ORB »Ljubljanski rudar« iz Prijedora u istom stroju su i dva veterana — višestruka udarnika sa prvih poslijeratnih omladinskih radnih akcija. To su 53-godišnja penzionisana radnica Siba Turković, iz varošice Kozarac, i 51-godišnji radnik Elektrokeračkog kombinata Ibrahim Ležić, iz Prijedora.

**Trajna prijateljstva**

Siba Turković do sada je sudjelovala na 18 saveznih omladinskih radnih akcija, od pruge Šamac — Sarajevo, do Novog Beograda, Auto-puta »Bratstvo-jedinstvo«. Nosilac je 20 udarničkih znački i 18 specijalnih pohvala. Ove godine ispunjena joj je želja da ode i na devetnaestu radnu akciju, upravo tamo gdje je i počelo njeno udarništvo, pa je zanimljivo šta višestruka udarnica Siba Turković misli o omladinskim radnim akcijama.

— Nisu to samo lopate, krampovi, kubici, udarništva, premašene dnevne i mjesečne norme, iako je i to vrlo značajno i važno. Ima nešto što je i daleko važnije od svega toga, što se brojkama ne može tako lako iskazati. To su trajna drugarstva, prijateljstva, bratstvo i jedinstvo, međusobna

poznanstva mladih iz svih krajeva zemlje... Kada bih po drugi put bila rođena, opet bih ponovila isti akcijaški put... — priča ona.

Tako kazuje Siba, koja je nedavno penzionisana, ali, eto, i poslije penzije dobila je društveno zaduženje više. — Radiću i gradicu dok dva oka trepću. Omladinske akcije me podmlađuju. I prošle godine često sam svraćala na Kozaru, među brigadire...

Siba Turković je bila i ostala predvođnik mnogih lokalnih akcija u svom rodnom Kozarcu i okolini, pa se broja dobrovoljnih radnih sati, dakako, ne može ni da prisjeti. Sjećaju se, istina, mnogi drugi ove višestruke udarnice koja je ukazom druga Tita odlikovana Ordenom sa srebrnim zracima i Medaljom zasluga za narod.

**Poletni i neumorni**

Niste, možda, čuli ni za Ibrahima Ležića, višestrukog udarnika iz Prijedora.

I to je, drugovi brigadiri, vaš prethodnik sa Vranduka i mnogih drugih omladinskih akcija iz onog prošlog i tako bliskog našeg vremena, kada se ono, na sve strane, pjevalo... »Dok traje obnova — nema odmora...« I što se tiče Ibrahima, vjerujte, za njega i nije bilo odmora...

— Da, pjevalo se, gradilo, radilo i učilo sve od »abecede«, pa dalje. Takvo je to bilo vrijeme. Sjećam se dobro i akcije na izgradnji pruge Šamac — Sarajevo. Bilo je tada i mnogo žuljeva i znoja, ali i pjesme što prestajala nije. Najteže je i najljepše, u isti mah, bilo na Vranduku, a kada je konačno probijen, onda radosti nije bilo kraja. Tada je u našoj brigadi neko počeo da pjeva »u tunelu usred mraka — kozarskih ih je pet junaka« i, ubrzo, svi smo pjesmu prihvatili kao našu. Pjevali smo je i na povratku kućama, u Prijedor, gdje nam je priređen veličanstven doček. Eh, nezaboravna su to i velika vremena, kao i ova sadašnja koja pokazuju i dokazuju da je omladina ostala uvijek ista — poletna i neumorna. Baš na ovakvim akcijama najbolje se pokazuje vrijednost svakog pojedinca i njegova spremnost da kolektivno živi i radi — kaže Ibrahim.

Neka vam je sretno veterani dugog i širokog Potkozarja.

M. ĐULKIĆ



**Proslavila  
Ljiljana rođendan**

Dvadeset i sedmi rođendan brigadirka Ljiljana Živković (ORB »Bratstvo-jedinstvo« iz Zenice), koja radi u zeničkom hotelu »Internacional«, proslavila je na trasi. Njeni drugovi i drugarice pokloniše joj bombonijeru. Čestitke i uz njih i riječi: »Žao nam je što u Doboju nismo mogli da pronađemo cvijeće...«

Ljiljana će za koji dan proslaviti još jedan rođendan — rođendan svog petogodišnjeg sina Miroslava. Neće biti s njim, ali, kaže da će mu obavješeno za rođendan poslati čestitku. Napisaće i pjesmu za Miroslava...

R. Ž.

**Andi od Željka**

Draga Ando,

... da ti pišem o naselju gdje smo smješteni, nema šta. Naselje je lipo, i dobro opremljeno. Što je najvažnije — hrana je dobra, samo mi teško pada što je disciplina na vrhuncu, pa ne smijemo van, u grad.

Tvoj brigadir Željko Topić, ORB »Prva dalmatinska proleterska udarna brigada« — Zavidovići.

I OVO...

**Živim s vama**

Ja sam stoimen vojnik što večno bdije nad

vama

kosturnica vaših očeva koji su još živi oni žive sa mnom a ja sa vama i slobodom

Boško Šarac, ORB »Đorđe Zličić Ciga« iz Novog Sada

**ZA SPOMENAR**

**Romansa**

Daću ti  
Lopatu na trasu  
pružiti ruku i doviknuti  
»Dušo, ovdje jedna kolica diwana!«  
Daću ti  
Kaplju vode,  
Opomenuću te kada se približi glavni i kaže:  
»Zar opet stojiš? Javi mi se kasnije...«  
Daću ti  
Na povratku poljubac.  
Sretna što je prošlo tih šest sati  
Al' u naselju?  
Daću ti  
Usne, oči, kosu  
Daću ti šta misliš? Šta?  
Komandantovu poruku:  
»Požarni od 0.00 do 2.00!«

**Blago nama**

Komandant: »U stroju nema šta da mislite — slušajte samo mene.«  
Traser: »Na trasi nema šta da mislite — slušajte samo mene.«  
Ekonom: »Pred trpezarijom nema šta da mislite — slušajte samo mene.«  
BLAGO NAMA!

Iz Biltena ORB »Husinski rudar«, Tuzla, naselje Zavidovići

**POZDRAVI**

**Dragim roditeljima**

— Dragi roditelji, javljam vam se iz ovog malog brigadirskog grada u kojem sve cvjeta i odjekuje od pjesme i mladosti, gdje smo svi braća i sestre i gdje svi radimo za Tita i za našu zemlju. Obećala sam da ću raditi i graditi isto onako kako ste me vi učili, onako kako ste i vi radili 1947. godine. Pozdravljam vas u ime svih brigadira našeg gradića i želim da što prije dođete i obnovite svoje uspomene iz 1947. godine. Volim vas i pozdravljam. Vaša Ljubica...

(Ovo je svojim najdražim napisala brigadirka Ljubica GRUJIĆ)